

Tot nos va ièsse pus auji !

Oyi-da ! I parèt k' on nos rind tot pus simpe. Lès dosîrs à rimpli èt à rinde auzè âministrâcions n' sont pus ossi spès d' papîs. On lès pout rimpli pus râde èt on a mwins long tins à ratinde lès rèsponses. Lès procédûres à shûre nos ont stî ramonêyes èt racoûtîyes ? Dijans-n' todi kèkfîye.

Po nos tchôfer èt fé cûre nos caboulêyes, po ièsse pus modernes èt awè pus auji, i gn' a sakants anêyes, on s' a fait mète li *gâz di pètrole* è nosse maujone. Après nos awè raloyî totès lès bûses à l' citèrne, l' plombî nos avéve signî on bia papî, dijant k' il avéve fait s' bouye d' après lès riles, èt, à nosse place, l' rentrer li minme à l' comune.

Au mwès d' sètîmbe ki ça s' avéve passé. A l' fén djanvî k' a shûvu, l' « *oyi-vos polèz vos è sièrvu* » nos avéve sitî doné pa ène lète èt 6 pâdjes di *djènèrâles condicions*. Come di djusse, l' tot sièrvéve dèdjâ dispû 12 samwinnes.


Dîj ans après, nosse organisse di contrôle trove ki tot rote todi come i faut mins ki nos faurève on rinovèlemint d' l' oyi dèl comune. C' còp ci, k' tot èst divnu pus simpe, ènn'don, c' è-st-à 26 pâdjes di kèsses ki nos faut rèsponde èt î djonde :

on bokèt d' cârte IGN au 1/10 000, l' nateûre dèl tère èt di sès dzos, lès èfèts k' ça pout awè po l' vichnauve, l' èr, si ça va s' sinte o ètinde à l' uXH èt ck' on va fé po lès rastrinde cès nûjances là, si ça va fé do brût èt tronner l' voye kand on nos va vinu fé l' plin, evd, à rèvoyî è trwès ècsimplêres pa ricomandé !



Èt dîre ki tot èst fait po nos simplifyî l'vîye !
Arîz-v' do bwès à bon conte?

Lès dèssins sont co dèss vîs dèss annêyes 50 !



Èst-ce vrêmint drole ?

I nos shène awè oyu cauzer d' solidarité po ène afêre di brût èt d' dîj au cint d' èployådje (sins linwistike ècsamin ?) di djins dins l' ca d' DHL Kand c' èst d' vwêturådjes, d' instaleûs d' tchôfådje, d' sociâle sogne, di tchimin d' fiêr, evd, èwou èst-èle li solidarité ?
A bon ! c' n' èst nèn l' minme cayèt ?

L' ôte sèmdi à Nameûr

(à « *Dijèz-l' è walon* », k' on vos è nn' a djôzé ène -pitite-miète), on discoreû avève lon èt laudje kritiké branmint d' cayèts ki s' font è z-èt po l' walon. Insi, i trovève ki « *copiutrèce* » n' èst nin on bia mot po lomer l' « *ordinateû* » èt dîre, k' a s' n'


« *agayon* » bomève bèn mia à sès orêyes. Come ène miète pus taurd i s' avève plindu di n' pont trover d' programme è l' walon po s'... *copiutrèce* (sic), on n' avève nèn manker d' mète nosse dwèt dissus s' « *lapsus* ». Si bèn k' on s' a ritrover à disbate plêjhamint èshène èt s' rinde conte ki, tot conté, tot rabatu, cki lès rfondeûs sayenut d' fé a sakant mèrite èt k' pitète ça vaurève lès pwinnes di lès xhoûter pauhmint èt n' nèn s' continter d' taper tot au

idêye,

batch à mannèstés.

Po fini, on a trové k' nos n' èstîne nèn si *contrîre* ki ça. Si bèn k' on s' a chake bistoké. Li d' on « *satchî à paurt èt à (tot) ptit tiraedje* » di « *L' Avèspré* » èt nos d' ène plake « *CD* ». On n' sé nèn s' il a pris do plêjhi à lire nosse binde è imaudjes (ki lès cotes dès feumes, d' après li, î mankenut trop sovént), mins nos on s' a rafiyî d' xhoûter lès tchansons èt lès acwêrds di guitâre da Danièl Droixhe. Is fêyenut do bèn à ôre èt lès tècses ni sont nèn bièsses. L' musike, pa còp s' vwè, nos rimimbère l' *Big Bill Bronzi* k' on a co dli dès bindes èrègistrêyes d' i gn' a... 50 ans.

Ça vos dit ? Uxhèz li 00 32 3. 322 60 49 èt î dimander « *Saturday Night Club* ». 13 *tchansons* dissus, ki 5 sont è l' *walon d' Lidje*.



I n' vos faut nèn vos èwarer, on comèle èt maxhe todi lès moudêyes di sicrijhaedje